



наведи телефон

Луимә СЭрипос

08.08.2024
№ 15 (1321)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru

«Мәнь Ёскве» 30 тәлэ тәвлыс



«Мәнь Ёскве» ныврамыт ушлахтын мә 30 тәлэ тәвлыс. Тот әгирицит ос пыгрицит ёрнколт өлэгыт, пёс йис өлупса ханищтэгыт, ты урыл 8-9 лөпсыгт ловиньтән.

Ты номерт ловиньтән:	Сәв нётмил вәрунқве алымёгыт ▶ 2	Ясунт пәвилт ушлахтасүв ▶ 4	Пёс йис мәхманув лёңханыв хосыт ▶ 5
Ныврамыт ёскве вәт тәлэ тәвлыс ▶ 8-9	Әс я вәтат өлнә мәньци щёмья ▶ 12-13	Тит мәньци мәщтырагув урыл ▶ 14-15	Яныгсәт тәлэ тәвлын кастыл ▶ 16

Сәв нётмил вәруңкве алымёгыт

Ты накт округ Дума кўшай хум Борис Хохряков Ханты-Мансийскат блнэ маснут юнтнэ «Шьём для наших» намба колн шалтсас. Ань юнсхатнэ нэквет бйттур этпост мот колыл майвёсыт, ты элы-пәлт тән Гагарина ўсхулыт мәнһ колнакыгт рўпитасыт.

Нёт Крупская намба ўсхулы 24 колн вәнтлысыт ос тот хонтлан мән кётым хум хотпат магыс сәвсыр маснут юнтэгыт. Борис Сергеевич Хохряков ань Ханты-Мансийск ўсқўшай Максим Ряшинын ты кол тәстуме магыс пўмащипа ләвыс.

Дума кўшай мирн пёриим хотпат ёт маснут юнтнэ колн акваг матыр ос ёвтэгыт. Тән нётмиланыл кастыл сыре-сыр эрнэ торыт, юнсхатнэ мащинкат, сәв писыл пиным торыт йиннэ ос тананыл аквторыг яктын китэлмип касаит ёвтсыт.

Ань нэквет вәрум пормасаныл Борис Сергеевичн суссылтасаныл ос тавён тәланыл урыл потыртасыт.

Нэквет «Патриот» намба коланыл, сөль, посыңыг ос лоштитыг олы. Тот яныгнүв колнакт кит яныг пасаныг ўнттувесыг ос нэ хотпат аквторыг сәвсыр маснут йинуңкве, яктуңкве манос мот рўпата вәруңкве вёрмёгыт.

Алыманэныл торыг тән ань хотал палыт тув ёхтыгпәлэгыт, хотьют әлпыл, хотьют тәнэ щёс порат шалтапәлы ос мотаныт этипәлаг рўпатыныл әстын юи-пәлт маснут юнтуңкве, йинуңкве ёхталэгыт.

Тувыл «Твори Добро», Совет ветеранов колт акваг-нётхатнэ махманыл ёт ляпанув акваг-хонтхатыглаңкве патыс.

Тән аквьёт юнтум сәвсыр маснутаныл, сагим носки-яныл, тэнутыт ос тэрпит вәнэ адресытн кётыяныл.

Ань ты колн шалтум кўшайн ос ляххал тотнэ хотпатн вәти кинат суссылтавёсыт. СВО мāt блнэ хум хотпат нётмил вәрнэ махумн яныг пўмащипа ләтың та кина тәра тананылн ләвёгыт. Тән вәрум рўпатаныл шар наскәсыг ат олы, тән мак эрнэ тәла вәрёгыт ос сака ёмщакв нётэгыт.



Хонтлын хотпат потраныл хўнтлавет

Молтынув нэквет «антидроновый» лэпатат юнтуңкве патсыт. Тән кастыланыл армия хумыт щёскем тўйтыглахтэгыт, мот мәныл ищхйпың дрон-уытл нумил сунсым, тән тара ат кәсалавет. Ты щирыл пылыщмаң мāt сәв сәлтатыт лылыяныл нэглэгыт.

Ань бйттур этпост акваг мāt лусытан хум хотпат яныгсәт тамле лэпатат вәрылтасыт. Ты элы-



Б. Хохряков юнтым лэпта сунсыгылтэ

пәлт хусахкем лэпатат мот хотпатн кётвёсыт.

«Шьём для наших» колт пуңкотнэ нэ **Екатерина Парсаева** потыртас:

ос мўйлупсал мисанэ. Тав посым маснут тослын магыс ут ос састумыг нёлнэ пәрт тотыс. Ты элы-пәлт тән сәвсыр тор ёвтсыт ос мўйлуптасыт. Ань торыт акваг-пиннэ янас колнак щёпитавес, ос маснут юнтнэ нэквет мот колнакт рўпитэгыт.

Кўшай хум таи ләвыс:

– Нән пуссын сака ёмас ос сымың хотпат, нән нупыланыл сунсым мотаныт тәксар элум-хөласыг ёмтэгыт. Мән акваг-нётхатым сака эрнэ тәла вәрёв, Победа хотал молях вос ёхты.

Мән «Забора» намба проект щирыл ос рўпитэв. СВО мән миннэ хотпат ос тән щёмьяныл дисконт-кәртал щёпитасанўв. Тән кастыланыл ань тэнут, тэрпит ос сәвсыр пормасыт тынталнувёг ёвтэгыт.

Ань тыг мус 9,5 сөтыра кәртат щёмьятн мисанўв ос 1 сөтыра ләпкат ос аппекат тынталнувег эрнүт тәнанылн тыналэгыт. Матъёмас, мән пуссын акваг яныг ёмас тәла вәрёв.

Тамара МЕРОВА

Мәһһи ос ханты ләһһын нәврамыт вос ханищтавет

Юи-бвыл тәлытт кұщайт акваг потыртәгыт, мәһһи манос ханты ләһһын нәврамыт ханищтан хөтпа әтим.



Югорский университетт янас факультет б́лыс, тот сасса әгит-пыгыт учителяг ханищтавәсыт, ос тувыл тав хот-вуйвес.

Ты тәл тәлы рәһһын юсвой әтпос Сургутский университетт яныг сапрәни б́лыс, тув сәвсыр үсныл әхталам мәхум потыртасыт - ты университетт нәврамыт мәһһи манос ханты учителяг

вос ханищтавет. Ань ты тәла та б́вылтавет.

Университетт тит йильпи специальностин нәврамыт ханищтаңкв патавет: «Русский язык и литература», «Русский язык и родной язык (хантыйский/мансийский)».

Тот ат тәл ханищтаңкв әри. Хотьют тув минуңкв кәсащи, тән тамле экзаменаныл титыглаңкв патавет:

Русский язык (ЕГЭ) – 40 балл;

*Обществознание (ЕГЭ);
Сочинение.*

Хотьют тот ханищтаңкв паты, тән общезжитият б́луңкв патәгыт, стипендия-олныл ос мөт нәтмилыл тах мивет.

Хотьют матыр титыглахтын ләһһын те б́һһи, тән ты телефон хосыт вос свонитәгыт: **8 (3462) 65-08-18**. Кұщаяныл наме – Николай Васильевич Ганушак.

Сургутский университетныл тәһһым ляххал мәһһи ләһһын
Валентина ХОЗУМОВА
хансытә

Б́лнә колыт газыл вәравет

Мб́лтынув Россия Президент Владимир Путин тамле хұлтнә ләһһын ләвыс – Россия янытыл б́лнә колыт пуссын газыл вос вәравет.

Мән округувт мәһһи сәв газ кос нөх-няртаве. Ос сәв мәхум ань ты хөтал мус кұраныл нәивыл пәлтыяныл. Президент кұщайув потыртаме

юи-пәлт б́лнә колыт газыл вәһһнә рупата та б́вылта-вес.

51 пәвлытт газ тотнә тұрпат пинвәсыт, ань элалы иң 142 пәвлытт ты

рупата вәруңкв тах патаве. 3 сөһһыра 910 хөтпа заявление-нәпак хассыт, тән етаныл договор-нәпак щәпитавес. Тит сөһһыра 675 колыт ань газ б́һһнәһһыт.

Мән округувт дачаң мәтт сәв хөтпа б́лы, тән руш ләһһын СНТ тох ләвавет. Ниласәттем тамле дача-пәвлыт тән хотты яныг үс нупыл хасвәсыт, тот б́лнә мир ань газ б́һһнәһһыт.

Ос иң сәв дачат ты программан хансуңкв әрәгыт, ос тымәһһыс тот б́лнә хөтпат тәһһи сапрәнин вос атхатыгләһһыт. Сәвыңпәлэ тот б́лнә мир те кәсащи, тән коланыл б́с тах газыл вәравет. 33 дачаң пәвлытт б́лнә мәхум ты рупата вәрсаныл.

Газ турпат б́лнә кол мус пиннә мәһһыс сәв олн әри. Төват хөтпат нәһһын патавет, тән олн-нәтмилыл тах мивет – ты 120 сөһһыра солкөви:

– нуса тотнә щәһһыт;
– сәв нәврамың щәһһыт;
– яныг хөһһыт хөһһыт хөтпат;

– хум тәл хуһһыт әкват, тән б́каныл яныг хөһһыт те патсыт;

– «туженик тыла» нам б́һһнә мәхум;

– СВО мәт б́лум хумит ос тән щәһһыныл;

– ат рупитан пенсионер-хөтпат;

– әһһың-мосың мәхум.

Тән мән округувт 15 тәл ат те б́лсыт, тән ты олн-нәтмилыл ат мивет.

Ос кұщайт тох ләвәһһыт, «догазификация» нампа рупата та пәвлыт вәраве, хөт газ б́лы.

Хотьют такви колэ мус газ турпат пинуңкв те кәсащи, тав МФЦ колт, Госуслуги лөпсыт манос ЕОГ (ты единый оператор газификации) тув ләһһын вос хансы.

Округ мирколныл тәһһым ляххал мәһһи ләһһын
Валентина ВАСИЛЬЕВА
хансытә

Округ кұщай сәвнув олн тув тәһһы

Лүпта әтпос холнә эһһы-пәлт округ кұщай Руслан Кухарук мирколт ты тәла урыл потыртан мәһһыс сапрәни вәрыглас. Тав тамле ләһһын хұлтыс – газ урыл хансым региональный программан сәвнув олн хансункве әри, 13 млрд солкөви.

Ты программа 2030 тәл мус хансым б́лы, тув мус округувт б́лнә колыт газ тотнә турпал вос вәравет.

Ты рупата кол үһһытын ос ЖКХ щирыл рупитан департамент тән уральтыяныл. Кұщаяныл Александр Барышев тох ләвыс:

– 2030 тәл мус тән 4 сөһһыра 375 б́лнә кол газыл вәруңкв вәһһыныл. Тәл б́вылтахтам пәсныл акв сөһһыра 664 колытт б́лнә щәһһыт тән газ б́һһнәһһыт, иң нила сөһһыратем щәһһы хуһһыт.

Дачаң пәвлыт ос молях газыл вәруңкв патвәсыт, тот хұрум сөһһыратем колтәһһыт газ турпал тах вәравет.

Ясунт павылт ущлахтасув

Нанки рутанын ул ёрувлэн, яныг обпанын, яныг ащойканын наманыл номён. Тамле мўтра латңыл ам амки потрум ань ты бвылтылум.

Ты туй ам Хальўст олнэ ныврамыт «Мань Ёсквет» ущлахтын ман тотыгласанум. Тан пуссын «К истокам» наппа коллективын ялантэгыт.

Ам хосат тагыл Ясунт павылн ялуңкве тахсум. Ам атям Анатолий Лихачёв маньчи хотпаг олыс, Ясунт павыл – ты тав яныгмам павлэ, рутанэ пуссын та мань олсыт. Ам атям ат вачиньтаслум, тав ам самын патмум хоталт атимыг емтыс. Омам потырталас, атям Тэк павылн кина суссылтан хотпаг рўпитанкве ёхтыс. Омам та порат павылт нэпак ловиньтан колт библиотекариг рўпитас. Тот тэн вайхатуңкве патсыг ос акван-минасбйг.

Тымагсыл «Мань Ёсквет» ныврамыт ущлахтын ман ялуңкве хунь лаввесум, ам атям яныгмам павлын ялуңкве тара касащасум. Ты ныврамыт ущлахтын ма урыл ам сав потыр хўлыгласум, ты тал «Мань Ёсквет» 30 талэ товлыс. Ты талыт сыс тот 100 арыгкем смена вэрыглавёсыт.

Тув ялуңкве, тот олнэ махум ёт вайхатуңкве ам ётум ялум ныврамытын сака мўстыс. «Мань Ёсквет» ущлахтамув сыс агиришит ос пыгришит савсыр ханищтапыл, касылыл ос мот эрнэ вэрмалил пўмчалавёсыт. Ос таи ёмас, тан пуссын маньчи латңыл ханищтавёсыт. Алпыл зарядка вэрсит, ты юи-палт тан ляххалыл ловиньтавёсыт. Мёл-

хотал манхурип ёмас вэрмалит «Мань Ёсквет» олсыт, та урыл Анна Ильинична Ларионова ляххалыт тананылн потыртас. Тэпьялан юи-палт лэква-уртхатасыт ос савсыр занятиян пуссын миныгласыт.

Ман «Колыбельные народов мира» наппа ханищтапын ялсўв. Тот ныврамыт ёлхуиптан порат манхурип эргыл эргувёсыт, та урыл Ас-угорский институт рўпитан нэ Людмила Николаевна Панченко (Хозумова) потыртас. Тав рўпататэ щирыл маньчи пёс йис вэрмалит ханищтыянэ. Пёс потрыт, амщит, мойтыт пуссын ам сымум хёясыт.

Людмила Николаевна пўмаш щирыл потыртас, агиришит-пыгришит таве сака ёмашакв хўнтласыт. Ётыл нывраманум ёт акв эрыг ханищтаслўв ос махум элы-палт эргыслўв.

«Мань Ёсквет» ман Наталья Васильевна Албина ос Мария Васильевна Фризоргер (Хозумова) ёт вайхатсўв. Ты маньчи нэг агиришит юнхатуңкве ханищтасанэн. Ханищтап вэрыглан колт акваг сав ныврамыт ёхталасыт. Агиришит пуссын мащтырласыт, акваг - акань, мотаныт – юнтуп тўщтын ут юнтсыт.

Ясунт павылн ам ётум Яялум Полина аги лавыс:

– «Мань Ёсквет» ущлахтуңкве аномн сака мўстыс, тот ам сав агиришит, пыгришит ёт вайхатасум. Ман маньчи



«Мань Ёсквет» ёхталам махум



М. Табун маньчи нэкет ёт пёслахтас

пёс йис вэрмалит урыл потыртасув. Ам ань вэглум, хумус сасныл апа вэраве, ныврамыт ёлхуиптан порат манхурип эргыл эргавет, манхурип ёнгыл ёнгалтавет. Тыт ам юнтуп тўщтын тёр юнтсум, маньчи латың ханищтасум. Насати, маньчи латың – сака нётнэ латың! Ам яныг пўмашипа латың Любовь Павловна Стаканован лавёгум. Тав ос тав ётэ рўпитан хотпат ёраныл хосат тамле ущлахтын ма Ясунт павылт касың тал вэрыглаве.

Хальўст олнэ ныврамыт, тан оманыл-атяныл ос ам яныг пўмашипа латың

Руслан Проводниковын лавёв. Тав «К истокам» наппа коллективын ялантан ныврамытын «Мань Ёсквет» ущлахтан ман ялуңкве олныл нётыс.

Ос яныг пўмашипа латың Любовь Павловна Стаканован ос «Мань Ёсквет» рўпитан хотпатн кётэв. Тан яныг тэла вэрёгыт, ныврамытын маньчи пёс йис вэрмалит урыл потыртэгыт ос тащирыл танки культураныл элалэ тотэгыт.

Марина Табун кётум потыр маньчи латңыл **Людмила ТЕТКИНА** хансыстэ



Чусовая я вѣтанэ



Ю. Яркина Роман пыге ёт



Т. Хозяинова

Пёс йис мѣхманув лёңханьыл хосыт

Ханты-Мансийск үст блнэ кит нэг Татьяна Хозяинова ос Юлия Яркина «Связь времён» намба кол пѣлыл Свердловский областьт Ёква мѣнь пѣвылн вѣвиньтѣлвесыг. Ты пѣвылкве Нижний Тагил үс ляпат 105 вѣрыстат үнттувес, тот пёс порат мѣньцит блсыт.

Мблты пёс накыт нѣх-вѣрмалтан ос элалы тотнэ мѣгыс тот этнотуризм тѣлат щѣпитаңкве патвѣсыт. Ань тув ялум лёңхе ѳвылтыт **Татьяна Хозяинова** тох потыртас:

– Мѣнав тот Наталья Абрамова щѣгтым үрыстѣ. Ёква – тьи тав проектѣ щирыл үнттым парк-пѣвылкве. Тот такем нѣтнэ лүптаң ос сытам мѣ. Сѣв ййвыт халт мүйлын хѳпат мѣгыс мѣнь блнэ колыт кѣсаласанүв, тѣн халанылт ньян вѣрнэ күр ос тав ляпат тѣнут пѣйтнэ пѣрткол үнттувес.

Ёмаспѣлт нѣврам ёнгын кан ос элнув хара мѣт ёрнкол тѣщтыма. Тув ёхталам мүй мирн тавѣн эрмыглан накыт пуссын ёмщакв щѣпитынат.

Ос таи ёмас, кѣсың колт

сытам айнэ вит ѳщнэ үт ѳлы. Вит киснэ хѳтпатн та мѣ порыгпанѣква хүлтыстѣ, тав мѣныл нѣх-йинэ вит пѳхат үнлыс ос вѣкыс. Ётыл хум хѳтпат тот скважина вѣрсыт.

Тувыл мѣн «Камень олений» ос «Оленья гора» намаим мѣн тотыглавесүв. Тув лѣглыл ёмуңкве рѳви манос Чусовая я хосыт хѣпыл минуңкве. Мѣн хѣпыл минасүв, тув та мѣ кўщайн Александр Грищенко тотвесүв.

Та мүйлын мѣ «Река Чусовая» паркыг лѣваве, мѣ мувлахи сака нѣтнэ ос я кѣрасың вѣтанэ суссанүв, ос кѣсың кѣрас урыл мѳйт хўнтлысүв. Тох «Оленья гора» янас мѳйт ѳныци. Чусовая я хосыт миннэ туристат тав ляпатѣт акваг я вѣтан пѣг вѣг-

лѣгыт ос сунсыглахтѣгыт.

Мѣн тув ёхтынѣв порат аква группа тот ѳлыс. Мѣн тѣнанылн мѣньщи мѣхум пёс наканыл ѳвылтыт потыртасүв. Юлия Яркина сѣңквылтапыл сѣңквылтас ос эргыс, «Оленья гора» урыл пёс мѳйт мѳйтыс ос Ёс-угор мѣхум сыре-сыр ёнгиланыл щѣпитѣлыс.

Юлия аква тѣн сѣңквылтанѣт порат ам пёс мѣньщи ййкв ййквсум. Нѣ вѣтаң пунктѳрыл лап-пантхаты ос лѣщал ййкви, тох ййквуңкве мѣнавн М.С. Мерова ханищтастѣ. Ётыл тот тарыг ййв пѣквыт атсум, ос тѣнанылныл ѳканит вѣруңкве үнтсасүв.

Ты суссылтапанув ос вѣрнутанув мүй мѣхумн сака мўстысыт ос мѣн ётыл нас потыртанѣв сыс тот тѣлнэ лүптаң атың щѣй айсүв, тѣсүв.

Ос парк-пѣвылн ювле ёхтынѣв порат мѣн мѳт нѣтмил вѣрсумѣн. Ань мүй хѳтпат үщлахтын коланыл ѳвисунт норанѣ хансал пѳслысанмѣн.

Аква кол «Порыгпан-ѣква», китыт кол – «Ман-сын», мѳтаныт – «Посың сов ханса», «Колың пѣкв», «Хотаң» ос «Яныг пити» хансал хорамтасанмѣн. Ты хансат пуссын Пѣтр Ефимович Шешкин «Мансийские орнаменты» нѣпакѣт пѳслым ѳлѣгыт.

Тамле нѣтмылыт мѣн тѳрум мѣгыс вѣрсанмѣн, та сытам мѣт сака ёмщакв ос щѣгтым ѳлсумѣн. Тот рүпитан хѳтпат сака ёмасыт ос сымың элумхѳласыт, тѣн пёс мѣньщи мѣхум ѳлупсаныл ѳвылтыт сѣв вѣгыт ос тѣнаныл янытлым мўсхалыг элалы тотыяныл.

«Связь времён» намба тѣла ань кос лѣщал вѣраве, ос тав акваг мѣкыг вос ѳлы. Таимѣгыс мѣн Наталья Абрамова ос Александр Грищенко, тот кўщайг блнэ хѳтпагн, ос тѣнатѣн нѣтнэ мѣхумн яныг пўмащипа лѣтың лѣвѣв.

Татьяна Хозяинова ёт
Тамара МЕРОВА
потыртас

Өвыл щёс ёрнкол кәсаласыт

Ювле хультум этпост Сәпса (Ивдель) үсн ялум лёңхув урыл элалъ потыртэв. Тув Ханты-Мансийсканыл «Торум Маа» музейт рүпитан хөтпат, Советский үсныл Общественный палатан пәриим хум Виктор Вискунов ос ам тув ялсүв. Мән та үст өлнэ мирытн мәнщит ос хантыт пёс наканыл суссылтасанүв ос өлупсав өвылтыт потыртасүв.

Сәпса үст өлнэ мэхум ёт мән акван-хөнтхатыглан нак ёрнколт вәрыгласүв. Таимәгыс тув ёрнколт тотсүв ос хум хөтпанув таве үс кант тұщтысаныл. Тув ёхтынэв элы-пәлт ләввесүв, кон ракуңкве ос щахыл кургуңкве тах паты.

Тувыл та холът мөтыт хөталт мощ мälтыпыг өлыс, щахыл пөхыл минос ос туп этипалаг раквалтахтас. Кит хөталыг тот өлмувт нюлы кис нәглалыс. Мән үскант ат щёс-кем мүй мэхум ёт вайхатасүв ос сыре-сыр ёнгилыт, мәщтырлан щёсыт тән мägсыланыл вәрыгласүв.

Мәнщити ос ханты маснутыт, пормасыт суссылтасүв, пёс накыт ос ань олыглан тэлат өвылтыт акваг китыглавесүв. Ёрнкол пөхат мүй хөтпат Людмила Алфёрова, Евгения Касатова ос Виктор Вискунов үрсаныл, тән ётаныл пашалахтасыт ос сосса мэхманув өлупсаныл өвылтыт потыртасыт.

Тән ляпанылт сыре-сыр ёнгилыт мэхумн Виктор Банк щёпиталыс, та сыс «Яныг кол» ёныг ханты ләтңыл потыртастэ. Лүсум мәнщити нә Анастасия Анямова ты ёнгилыт щәнъ ләтңётыл ләвсанэ. Мәнщит агитн «Лусы» («Щёл») ос «Туслы» ййв-өвлытыл ёнгилыт мүстысыт, тәнаныл мат-

кем пәхвтыманыл юи-пәлт молях ханищтахтасыт.

Ёрнколт сәкв өлыс, тот нйврамыт мägсыл мәщтырлан щёс Виктория Кулонбаева вәрыглас. Мәнъ агирищит тәнкинаныл кәтсор квәлыг сагыт, пыгрищит мәнъ хәпкве вәруңкве вёрмысыт. Ос ам палтум тән аканъ вәруңкве ёхталасыт.

Мәнщит пыгыт төвыл тармыл үнтылматыгләлыс ос үщлахтасыт. Тән ависунт нумит ханум сыпалиң касаиг кәсаласыт ос сака пүмщалахтасыт.

Өвлэт үсн ёхтумув порат Ивдель үс музейныл



Ёрнкол тұщтэгыт

рүпитан хөтпат ос Ивдель үст культура, спорт ос мәнщит мэхум тәланыл ёт пуңкотнэ нә Галина Комлякова мәнв үрсаныл ос тән ётаныл вайхатсүв. Анъ ты ялпың



Г. Комлякова ос Л.А. Алфёрова



Пыгыт ёрнколт үнлахөлэгыт

акван-нётхатын нэпакт Людмила Алфёрова ёт хасхатсумён. Анъ нән өлнэ мән мүйлуңкв ялуңкве сака кәсәщөв.

Тыг тотыглам суссылтан утанын такем пүмщиг пуссын өлсыт, матъёмас ёрнкол тұщтыгласын. Ус мэхманув щёмьяң тагыл ёмщакв үщлахтасыт, тасәвит нйврамыт тув щалтапәлсыт, матыр-ати вәруңкве ханищтахтасыт.

Агирищит сәвсыр аканит вәрмыт ос кәтсорн квәлыг сагмыт. Мәнщит агиянув-пыганув хантыт ос мәнщит пёс наканыл тәра-паттысыт, матыр-ати өвылтыт ос пүмщалахтасыт.

Анумн мәнщит ос хантыт сыре-сыр ёнги-

хөталув вәрмув юи-пәлт **Галина Викторовна** таи ләвыс:

– Ам нән тыг ёхта-лан мägыс хот-щәгтым өлэгум, аньмунт аквьёт тэлат элалъ вәрнэ ос



Т. Мерова агит аканит пёруңкве ханищтыянэ



Ёрнколн щалтсам нэквет

ланыл мўстысыт, ййв-
бвлыл ёнгысўв, акв
ёнгилытыл «китгыг –
ати китгыг» мән пуссын
ощатахтасўв. Аман тох
блы?

Лакв пәхтын ёныг руш
ёнгил хурип блы. Кәсың
няврам щёскем тот ёнгыс,
нэмхотты мот мән ат
молямлас. Мәнван тый
бс ёмас, тащырыл ке тән
матыр вәңкве патсыт,
хотты ёмас эрнэ тэлан
ханищтавёсыт.

Мән ань элалы урхатым
блэв, нән палтын ялуңкве
номсэв. Ос тыт нәнаныл
ханищтахтам накыт элалы
тотуңкве патыянўв тах.

Аквхуйплов тәл яныт
Катя агириш лавыс, тав
ушты бвыл щёс хантыт ос
мәнщиит урыл хўнтамлас
ос тән пўмыщ пормасаныл
кәсалас, кәтсорн квәлыг
сагыс ос акань вәрыс.
Ёрнкол бс бвыл щёс
кәсаластэ ос тув мўйлуңкве
щалсас. Тот, насати, такем
ёмас блнэтэ, ты элы-пәлт
тав туп хурит пбслым
вәме.

Сәпса ўст блнэ агири-
щит тув мәнщиит супыл
масхатым ёхталасыт ос
эргысыт-ййквсыт. Тән
ййквнэ коланыл «Веснушки»
намаим блы, ань тән
ётаныл рўпитан нэ
**Любовь Сергеевна
Есаулкова** китыгласлум,
тав ювле таи лавыс:

– Мән ты ялпың хотал
урыл хўнтамласўв ос
«Веснушки» намп а ййк-
внэ агирищит ёт мўй-
луңкве ёхтысўв. Тән
ётаныл ам ос Анастасия
Викторовна Александрова
рўпитымён. Агирищит
ёт мән сәвсыр мирыт
ййкваныл ййквёв, лўсум
мәнщиит мәхумныл акв
ййкв ос акв тўлыглап
ханищтаслўв. Ты хотал
нәнаныл ййкв суссылтаслўв.

Тувыл матыр-ати тэлат
нәнаныл вәңкве бс тах-
масыт, ань пўмыщ вәр-
малит тәра-паттысанўв,
сәв ёнгысўв ос пбсла-
хтасўв. Мән нявраманув
матыр-ати тэлат пуссын
мўстысыт, тән щәгтым юв
минэгыт.

Нән сунсән, агирища-
нув мәнщиит супыл мас-
хатым пуссын блсыт. Ты
супыт «Фактория» намп
колт рўпитан нэ Наталья
Курикова-Добрынина
ййинсанэ ос мән рума
нэвн Валентина Никола-
евна Кобзеван мәшинал
юнтвёсыт. Тэнатэн мән
ань пўмащипа ләтың
ләвёв.

Тувыл мәнщит хотпат
халт ёрнколувт **Светлана
Черняева** блыс. Тав мән-
навн таи потыртас:

– Ам 28 тәлум тбвлыс,
тамле матыр мәщтырлан
вәрмалитыл ам акваг
пўмщалахтэгум. Ань

сымумт такем ёмас, тыг
ёхталасум ос маныр
суссылтасын, маныр нән
тыт вәрсын – пуссын
ёмщакв ханищтасанум.

Амки сыре-сыр мән
ахвтасыт ищхыпың лбп-
ләпка хосыт ёвтэгум,
тувыл кәтсорн нэгсалан
сәвсыр хорамыт ос паль-
сакыг вәрёгум. Тбванакт
ййв-охсал матыр ёргё-
гум. Ань кәтсорн квәлыг
сагуңкве молях ханищ-
тахтасум, акань вәруңкве
анумн матрыг тәрвитнув
блыс.

Мот агит-пыгыт палт
ам ат рбвлахтэгум, ищ-
хыпың утыт морсың по-
рат унлантэгум, амки
номсахтым матыр вәрё-
гум. Мәнщиит ос хантыт
урыл нэматыр щар ат
вәслум, ань тай вәңкве
патыянув.

Мән палтув щёмьяң
тагыл бс ёхталасыт, мән
тананыл нётнэ маснута-
нув масуңкве лавыгләл-
санўв, тән пуссын пбсла-
хтасыт. Тувыл акв щёмья
ёт потыртасўв. **Татьяна
Щабова** таи потыртас:

– Пәща блэн, мән
тыг Алексей бйкам ос
Мирон пыгмён ёт тыг ёх-
тысўв. Мән Екатеринбург
ўст блэв, Сәпса ўс
– тый самын патум мәм,
ань анёкванув-ащбйка-
нув ёт акваг-хонтхатыг-
лан мәгыс тыт мўйлэв. Ты

накт ўсувт блнэ музейон
щалсасўв ос нән бвылтыт
хўнтамласлўв. Нән тыг
хантыт ос мәнщиит мирыг
бвылтыт потыртаңкве па-
тэгың ос суссылтап тотэ-
гың, таимәгыс хот-щәгтсўв.

Молты тәлт мән Ханты-
Мансийск ўс мус ялсўв,
бйкамёнтыл бвлэт Тюмень
ўс мус мәшинал минач-
мён ос нән ўсын мус
элалы та миначсўв. Архео-
парк кан мән ёмщакв
сунсыгласлўв, тувыл ёмас
номтыл ювле миначсўв.

Туп «Торум Маа» музейн
ат та ялсўв. Ань нәнаныл
вәңкве патэв, нән сосса
ёмса тэла вәрёгың. Сосса
мәхум пёс накыт вәганын,
щәнь ләтңыл потыртэгың
ос сәв мәхумн матыр-ати
суссылтэгың.

Ам ань нән ётын тыт
аканит вәрсум, ань мән
хәпкве вәрёгум. Нән тыг
ёхталамын мәгыс ос мән-
нав матыр-ати ханищтан,
вәнэ мәгыс яныг пўма-
щипа ләтың ләвёв.

Тох та мән Сәпса ўст
акв хотал мўйлынэв сис
рўпатасўв. Мбтыт хоталт
Пакин щёмья палт вбрн
тотыглавесўв, ты урыл бс
тах хансэв.

Тамара
МЕРОВА

Няврамыт үскве вāt тәлэ тōвлыс

Няврамыт туй сыс ёмщакв вос
рүщлахтэгыт, ты кастыл сāvсыр
рүпата вāраве. Хоса порат сосса няврамыт
мāгсыл лагерит вāруңкве о́вылтавёсыт, тән
округув янытыл рүпитасыт, тот мāньцит
ос хантыт олупса урыл потыртавес. Ань ты
вāрыглым нилахуйплов лагеритыл «Мāнь
Үскве» Ясунт пāвилт вāt тәл рүпиты.

«Мāнь Үскве» этно-
стойбицаг лāваве, таве
Любовь Павловна Стака-
нова вāруңкве номыл-
матастэ ос ань тыг мус
тот кўцаиғ рүпиты. Кāсың
тув хўрум-нила смена вā-
рыглэгыт, нёрн о́с ялан-
тэгыт.

Ойттур этпост хўрмит
сменат «Мāнь Үскве» 30
тәлэ тōвлум кастыл сāv
няврамыт, о́вил тәлыт
тот олум āгит-пыгыт ос
хотты порат тот рүпитам
мāхум тув вōвиньтālвё-
сыт. О́вил тит хōталыг
сыс конференция вāры-
главес, доклад-потыр
хансум хōтпат танти по-
раныл ловиньтасаныл.
Модератор хōтпаг тот Т.А.
Молданова ос С.А. Попова,
история наукаг кандидат
нэг, рүпитасыг, āгит-пыгыт
потраныл ловиньтама-
ныл порат, тән мāk эрнэ
лāтың хўлтсыг. Пуссын
аквёет налыман нупыл хōт
доклад-потыр ловиньта-

вес. Ты потрыт А́с-угорский
институтт акв нэпакыг
тах вāравет.

Мōт тит хōталыгт ёхта-
лам мāхум халт акв ёнгил
вāрыглавес, таве тох
намтсаныл – «Ворщик
рүтыг олнэ мāхмыт». Ты
ёнгил урыл Ольга Лес-
нова, округ депутатыг
рүпитан нэ, потыртас.
Акван-атхатам мāхум
вос номсахтэгыт, матыр
йильпи вāрмаль вāруңкве
вос тахмаёгыт. Тән пуссын
ат манос хōт команда
щирыл лākква-уртхатсыт
ос номсахтуңкве патсыт,
хотьют маныр вāруңкве
паты.

Акв командат нявра-
мыт ос мāньлат мāхум
лāххалыт потыртаңкве,
суссылтаңкве патэгыт.
Титыт командат мōтыт
тәл форум вāрнэ хōтпат
мāньщи лāтың ханищ-
таңкве вуйхатэгыт. Тув
ёхтын мир тән тит-тит
хōтпаг уртыяныл, акв



Л.П. Стаканова ос А. Вьюткина

хōтпатэ мāньщи лāтыңыл
ёмщакв потырты, мōтанэ
лāтың атвāгтэ, тав мāньщи
лāтың ханищтаңкве паты.

Кāтыл матыр-āti вāрнэ
хōтпат мāщтыр колнакыт
вāруңкве номылматсыт.
Тәл сыс Саранпāвилт
йонсхатнэ колнак, йивныл
āны-сāн ёргын колнак,
рākытныл сўлипўтыт
вāрнэ колнак ос мōт
рүпатат вāрнэ колнакыт
вос пўнсавет. Ты коньпал
тән нёрн ялантан мāгсыл
тот олнэ кол ўнттуңкве
таңхёгыт, «Мāнь Үскве»
такви янас кол вос о́щнув.
Нёрн ялантан пормаса-
ныл тот о́ныщуңкве, тот
олуңкве ос тэлы тув ўщ-
лахтуңкве ёхталаңкве
тах вёрмёгыт. Ты пуссын
проектыт кос, ос хуньт

тән, эрың, тэлаг тах ём-
тэгыт, элаль рүпитаңкве
патэгыт.

Тув ёхталам мўтраң
яныгпāла мāхум ос янас
номсахтасыт, тән мāньлат
āгит-пыгыт исторян,
этнографиян ханищтаң-
кве патыяныл. Тамле
ты ёмас вāрмалит урыл
мāхум хōтыл сыс потыр-
тасыт ос элаль рүпитаң-
кве та вуйхатасыт.

Тув Хāльўс ос Саран-
пāвилт миркол кўцаит
ёхталасыт, сāv тәл няв-
рамыт ёт рүпитан хōтпат
янытлан нэпакыл мўй-
луптасаныл. Ирина Че-
чёткина, Хāльўс мирколт
кўцай вāңын хōтпаг
рүпитан нэ, Зульфия Ка-
нева, Хāльўс район думат
кўцай нэ, Вероника Чек-



Тулыглап суссылтаве



Нэт ёрнколт ўнлахōлэгыт



Агит, пыгыт ййквёгыт



Овыл тәлытыт рүпитам хөтпат ос та порат яныгмам нъяврамыт

мазова, Хальүс районт образование комитетыт рүпитан нэ ос Илья Сметанин, Саранпавыл миркол кұщай хум нъяврамытын ос тот рүпитан хөтпатын сымын рөвнэ ёмас ләтңыт ләвсыт, яныт ласаныл. Тән пуссын ләвсыт, ты сака ёмас үскве, сака ёмас мәкве, тот пуссын юртыңыщ өлэгыт, халанылт нётхатэгыт. Тув ёхталан элумхөлас сыме кәминьтаг ос номтэ ёмасыг ёмты.

Ирина Чечёткина ләвыс:

– Ам тыг нилыт щёс ёхтысум, нъяврамыт стойбище сака мөт щирыг ат ёмтыс, тыт акв тох нъяврамыт вильтаныл щәгтым өлэгыт, саманыл вольгёгыт, оцхуль вәрим тыглетувле хайтыгтэгыт, пуссын акв щёмья хольт халанылт онтас вәрёгыт. Тыт сака ёмас нъяврамыт яныгмёгыт, кәсыңаныл матыр ёмас вәрмалы вәруңкве таңхи, элалы өлнэ посың хөтал тинсы. Тән пёс йис өлупса вәңкве таңхёгыт, тувыл ты мак мутра выгыт.

Зульфия Канева потыртас:

– Ам овыл щёс тыг ёхтысум, ты элы-пал ам хулыгласлум, тыт пуссын акван-вуйхатым ёмас тэла вәрёгыт ос матъёмас

амти самыл суссум, амти палил хулыслум, мак эрнэ тэла Любовь Павловна ос тав ётэ рүпитан мәнлат махум вәрёгыт. Пёс йис пәсыл мән мирув үргалан ёмас вәрмалит ань нъяврамытын потыртавет, суссылтавет, хөтпа нупыл ёмас самыл сунсуңкве ханищтавет.

Кәсың этипалаг нъяврамыт «выгыр ёрнколт» акван-атхатыгласыт ос мөйтыт суссылтасыт, эргыт эргысыт, мәнщи ййквыт ййквсыт, оцхуль вәрсыт, акв этипалаг татем пүмщиг сәснёлыт тұлыглахтасыт. Пыгрищит нуй кувшил масхатэгыт, сәсвилтвәрёгытос алыщлан, вөраян урыл, нэ хайталан урыл пүмыщ тұлыглапыт суссылтасыт. Ущ овыл щёс кәсалан хөтпат сака оцатахтэгыт, төва нъяврамыт хот-рохтэгыт. Туп таи ёмас өлнүв, хунь пыгыт ты тұлыглапыт мәнщи ләтңыл потыртануваныл, ань тән пуссын туп рущ ләтңыл ты тұлыглапыт тұлыглыяныл.

Вәт тәл сыс нъяврамыт сәвсыр пүмыщ ос эрнэ вәрмалитын ханищтавёсыт, овыл тәлыт тот яныгмам нъяврамыт ань тәнти тот рүпитэгыт, тәнти нъявраманыл тот яныгмёгыт, ййквуңкве, эргуңкве хә-

сэгыт. Тыи ты сака ёмас, тән этностойбище хот ат оссувласаныл, щәгтым тув ёхталэгыт.

Любовь Павловна Стаканова такви докладэ ловиньтаме порат тох ләвыс:

– Вәт тәл ювле хултум порат мән ты пәвыл өлмыгтаслүв, овыл нъяврамыт парщин палаткат өлсыт. Аномн сәв ёмас хөтпат ты тэла элалы тотуңкве нётсыт. Татьяна Молданова стойбище мәгсыл положение-нэпакт тох хансыс: «...үст, яныг пәвыл нъяврамыт мөт мирыт халн тәлыглым өлэгыт, тән мәнщи өлупса урыл ат номсэгыт, таимәгсыл тәнанылн янас мәт пёс йис өлупса урыл потыртаңкве эри, тыт тән мөт щирыл номсахтуңкве патэгыт. Агирищитын, пыгрищитын тамле мәт өлуңкве эри, хумус мән яныг анёканув, ащөкванув-өпанув өлсыт, хумус тән тәнти мәгсыланыл маснут ёнтсыт, эрнэ пормас вәрсыт, тәнти алыщласыт, вөраясыт. Ань кәсың нъяврам аквтох нэматарыл ул вос пилы: лёмвоитыл, ащирмал, раквыл, вөтыл, турапыл... пуссын тыи вәщинтым вос өлы...». Щар сөль, ань

мән тыт «Мәнү Ысквет» тох ты өлэв, лёмвоил, мәньюил ат пилэв, турап хөталыт мән аквтуп аты вәщинтыянув. Тыгыл нэмхотыют юв ат вөвхаты.

Мән ётув яныгпала мащтыр хөтпат өлэгыт, тән нъяврамыт ёт аквёт щаквщёгыт, юнсахтуңкве, суп йинуңкве ханищтыяныл, совныл, нуйныл матыр-әти ёнтэгыт, тох нъяврамыт мәнщи ләтың хулэгыт ос тәнти потыртаңкве патэгыт.

Ань яныг ёмтум агит ос пыгыт мән пораныл сымыңыщ кәстыяныл, тыг ёхталаңкве акваг кәсашёгыт.

Любовь Павловна ёт сәв мөт махум рүпитэгыт, тән тәнут пәйтэгыт, найив сәгрёгыт, күр палтыглэгыт, вит тотэгыт, пувлынкол палтыглэгыт, кәсың хөтал Саранпавылныл ийльпи нянь, тәнут тотэгыт. Нъяврамыт үсанылт ёмщакв өлнэ мәгсыл яныгмахум сәв рүпата вәрёгыт. Тәнанылн мән яныг пүмашипа ос пустәгыл өлнэ ләтың ләвёв. «Мәнү Ыскве» Төрүмн, Най-Отыранувн вос үргалаве! Агирищит-пыгрищит ёрыг ос номтыңыг вос яныгмёгыт!

Галина КОНДИНА



Султум

Искорка

Лёмуит урыл мөйтыг

Туй хөталыт кон пумашиг блы! Хөтал посты, кон ёмас, рёгың! Уйришит луйгёгыт. Туп таи люль, хунь мātэ ёмшакв толы, лёмуякёнув та квāлапёгыт. Ам ань нāннн акв мөйт хансёгум – «Хумыс лёмуит квāлапасыт». Ты мөйт ам щāннум Анямова Александра Васильевна āнумн мөйтыгласэ, тав мөлты тув āтимыг ёмтыс, ань туп мөйтанэ хультыс.

Хумыс лёмуит квāлапасыт

Хуньт матыр порат, сака хосат, улпыл, Төрүм үнтхатам порат, эрттам, мā тармыл лёмуит щар āтим блум. Элумхобласыт ос сака савыңыт блмыт, нас та үнлахоблэгыт, поваралэгыт, нэмхотталь ат молямлэгыт.

Төрүм номсанэты: «Хумле сар тāнаныл вāруңкв, мощ кārкамыг вос ёмтнувыт?».

Аквматэрт Төрүм хот-кантмиме, нōх-люлюмтāлам, кол котиль колкан пāрт нōнхаль манумтамтэ. Тувыл та

пāрт халныл лёмуит ёлаль пүвласаманэ. Ос тымус лāвнэты:

– Ёлын блнэ мāхум-кёнув сака ул вос ёралахтэгыт, мощ вос пуравет, хохсалтавет, люль кёлпаныл юв вос аявет, кārкамыг вос блэгыт.

Ос ань мус лёмуит та блэгыт, кёлп аёгыт. Роттыг үнлахоблнэ кум ат мыгыт. Ос ань тыг мус лёмуякёнув элумхоблас кāсалэгыт, хот-щāгтэгыт, аниглахтуңкв лялыт та квāлапёгыт.

Өс акв потыр лёмуит урыл

Эрттам, хунь лёмуит паскатэгыт, хунь лёмуит пора мины, лёмуит акв ювле лёмуит-āщаныл палт ань та ёхтэгыт.

Лёмуит-āщанылн китыглавет:

– Я-а, ань хоса мā йисын, хоса мā яласасын, исум витуп щārщ үлтта йисын: манах хум порсыс, манах хум ат төвылхаты?

Тан ювле лāвёгыт:


– Хоса мā яласасүв, хоса мā йисүв, исум витуп щārщ үлтта йисүв, туп акв сам-палакёв ат төвылхаты. Исум витуп щārыщн патыс. Тыгылнэл, тай, пуссын блэв.

Тасāвит лёмуит та блы, тāнкинāныл ловиньтаңкв ат вёрмияныл.

Мансāвит порсыс ман āти, аты хашхаты.

Сказки про Комаров

В летнее время на улице хорошо, тепло! Солнышко светит! Птички поют! Только одно омрачает, как только прогреется земля, появляются комарики. Вот такую сказку мне рассказала моя мама Анямова Александра Васильевна, прошлым летом её не стало, а сказки её остались.



Как появились комары

Когда-то очень давно, наверное, во времена становления жизни на земле, будто бы на земле совсем не было комаров. А люди на земле были очень ленивые: все просто посиживали да полёживали и никуда не торопились. Бог думает: «Что бы такое сделать, чтобы народ пошустрее был?»

Тут Бог рассердился, вскочил с места, вырвал доску с середины дощатого пола. И с этой щели сдул комаров вниз на

землю. И такое напутствие сказал:

– Чтобы внизу живущие люди не сильно важничали, а пошустрее были, пусть погоняют да покусуют их комары, дурную кровь пусть высосут из них.

С тех самых пор и поныне эти комары живут и кровь пьют людей. Не дают людям спокойно посидеть. По сей день эти комарики, увидев человека, радуются встрече, сразу целоваться на встречу летят.

Ещё одна быличка про комаров

Будто бы когда время комаров проходит, все комары возвращаются к своему отцу-комару.

Отец комар их спрашивает:

– Долгую дорогу летели, через огненное море летели, сколько братьев погибло, скольких братьев не хватает?

Они (комары) отвечают:

– Долгую дорогу летели, через огненное море летели, только одного одноглазого брата не хватает. В огненное море упал. Остальные братья все на месте, все целы.

Вот сколько комаров есть, что не счесть их! Какое количество погибло, сколько осталось, даже не видно.

Анна АЛГАДЬЕВА

Эвенк пыг катыл пормасыт вәри

Мән ань лүимә янытыл өлнэ мощцаг хульгум мирытныл өлнэ хөтпат урыл нәнан элаль потыртэв. Хурит Анатолий Николаев эвенк пыг пöслым öлы. Түяг тав Москва үст öлыс ос тот катыл вәрум пормасанэ суссылтасанэ. Тав ётэ потыртамумен юи-пәлт ань таи тәра-паттыс.

– Паща өлән, ам Анатолий Анатольевич Николаев, пормасыт катыл вәрнэ мәщтыр хөтпаг өлэгум ос Амурский область Тындинский район Усть-Уркима павылныл тыг ёхтысум. Ты суссылтапн янгүй ос сәлы анытныл вәрум пормасанум тотсанум.

– Ләвен, тамле тэлан хөт ос хотыютн наң ханищтавёсын?

– Ам щаквщункве нэмхөт ат ханищтахтасум. Рүтув халт Валентина Владимировна Акимова аквум катыл сыре-сыр пормасыт нётнэг вәрунке хасы, тав мәщтыр нэг öлы. Тав ты аном пормасыт вәрунке үнттыстэ. Матыр йив-охса манос аныт-лөмт мыг ос ләви, тыитыл таи манос тыи тэлы тах. Ам маткем та капыртэгум, ос сөль, матыр вәрнутум та асты.

– Ань сунсэн, наң нётнэ пормасыт вәрмын. Ты наңки матыр номылматим щаквщёгын манос хотыют ләвавен, манос наңки хоты аныт-лөмтныл матыр кәсалэгын?

– Öвлэт катын вим матыр лөмт ёмщакв сунсыглылум ос номсахтэгум, манарыг тав хөйхаты ман ати. Тувыл ущ сувенирыг та вәрилум. Төванакт сака ёмас савсыр утыт щаквщункве артми. Нас тай хотыют матыр вәрылтэгыт, тох пормасыт ат вәрыгласум.

– Ты вәрнутан элыналан мәгыс манос мүйлуптан мәгыс вәриянын?

– Ам ань мощца пормас тыг тотсум, ты элы-пәлт Благовещенск үс областной суссылтапн вöвиньтәлвёсум. Тот савыңпәлэ пормасанум ёвтвёсыт. Тувыл ос тыг вöввёсум, таимәгыс туп хульгум вәрнутанум ёт-висанум. Ань ты суссылтапт рүпитым матыр-әти ос тах вәрөгум.

– Акв сувенир манасәвит щёс ман хөтал вәрилын?

– Тох тай сав пора ат эри, төванакт акв үнтылматнэн сис матыр та вәрапёгын. Мәщтырлан хөтпа пәлп касай ос мөт ёмас эрнэ ут вос öныщи, төнт рүпататэ күстырнувөг тах öлы. Тувыл мэхар лув мән мавт щар ат хөнтыглаве, матыр мөт үй кәтн ке паттэв, та лувныл ман анытныл та рүпитэв.

Ос öвыл пормасанум амки щирумт хумле ханьщувласум, тох та вәрианум. Тыг ёхталанэм сис ос хоты мәщтыр хөтпаныл ханищтахтэгум, тән рүпатаныл сунсыглым матыр элаль ос номсахтэгум. Тувыл мәнки халувт акваг вәйхатым öлэв.

– Наң павлыт сав хөтпа öлы, хотыют ос щаквщи ман ати?

– Амурский областьт туп ам щаквщёгум, воссыг нэмхотыют атим.



А. Николаев



А. Николаев вәрум пормасанэ

Таимәгыс кәсыңөмт ам суссылтапн кётыглавем, Москван акваг ялантэгум. Ань школат катыл мәщтырлан кружок вәрунке номсёгум. Пәвлумт 250 сәвит элумхөлас öлэгыт, тән халанылт 150 эвенкат. Школат щән ләтнүв ханищтаслум, юн халувт мощ потыртэв.

– Ань наңки öлупсан урыл мәнавн аква-кит ләтың ләвөн?

– Ам öлнэ мәмт Первомайский павыл школат ханищтахтасум, тот интернат öлсум. Аквхуйплов класс әстлаум юи-пәлт армиян вуйвёсум.

Амурский областьт связь мәт лусытасум. Тувыл Благовещенск үст колледжит ханищтахтамум юи-пәлт няврамыт каснэ вәрмалын ханищтан хөтпаг рүпитасум. Ётыл пөхан минасум ос щаквщункве патсум. Ты коньпал щёмьям ёт автопарк öныщёв, тот рүпитэв.

– Потрын мәгыс пүмәщипа, тэлан пуссын ёмщакв вос öлэгыт, ань хотты мәньлат хөтпа тамле вәрмалын элаль ханищтәлн.

Тамара МЕРОВА

Ас я ватат олнэ маныщи щёмья

Ас-угорский институт рүпитан маныщи нэ Наталья Ткачук рүпататэ щирыл Октябрьский район Шеркалы павылн ялыс. Та павылт сасса махум ёт хонтхатыглас, тән блупсатыл пүмшалахтас ос наука магсыл наманыл нэпакын ёл-хассанэ. Шеркалы павылт маныщит ёс блэгыт, акв щёмья урыл Наталья газетан потыр хансыс. Тав потре ловиньтэлбн.

Шеркалы павыл Ас я ватат унлы, тот ань 1 сotyра 300 арыгкем элумхёлас блэгыт. Тән халанылт 258 – хантыт, 33 – маныщит. Пёс нэпакт хансым ёлы: яныгсат тал ювле хультум порат Шеркалы павылт 20 кол унлыс, 166 хөтпат тот блсыт.

Ань ты павыл урыл сав махум вагыт, тот рүпитан музей-кол, купса ойка Тимофей Васильевич Новицкий колэ ос «Шеркалы-1» пёс йис ма туристыт сунсуңкве ватихал ёхталэлэгыт.



Л.Т. Гусева апыгрищанэ ёт

Ам рүпатам щирыл Шеркалы павылн ялум порат сав сасса махум ёт вайхатасум ос тән потраныл нэпакн хассанум. Юи-ёвыл хөталт павлың махумн Людмила Терентьева Гусева палт ялуңкве лаввёсум. Ам тав блнэ колэ кинсым павыл хосыт ёмыгтасум, насати Людмила Терентьева музей кол ляпат ёлы. Кон ёмас, мэлтып хөтал блыс, нэ такви колэ пөхыт тэпкант матыр вэрыс.

Л.Т. Гусева потре

Людмила Терентьевна Гусева, такви ёпарищ наме Гындыбина, тал котиль этпос 30 хөталёт 1955 талт Ягрим павылт самын патыс. Атятэ Терентий Степанович Гындыбин ос оматэ Марфа Павловна Лыскова хул алыщлым ос вёраим блсыг. Та порат Ягрим павыл Аня миркол нупыл хансым блыс.

Такви рүтанэ урыл маныщи нэ тох потыртас:

– Атям Ягрим павылт 1910 талт самын патыс. Манылат хөтпаг Ленин нампа колхозт хул алыщлым рүпитаңкве патыс.

Война ёвылтахтам порат хөнтлаңкве тотвес. Сав маглын тагатам пёс ёныщас. Павлың мирн сака янытлавес, 1950 тал Аня мирколн депутат-хөтпаг пёриьялвес.

Омам ханты нэг блыс, Октябрьский районт самын патыс. Вёрт Лысковыт блум мат яныгмас. Атям 1959 талт атимыг ёмтыс, омам таккёт лов няврам янмалтас. Тав «Материнская слава» нампа маглын тагатам пёс ёныщас.

Людмила Терентьевна школа асламе юи-палт Сургут усн крановщикыг ханищтахтас. Практикан Тюмень усн кётвёс, ётыл тот рүпитаңкве паттувес. Маныщи аги яныг үст блуңкве ат ханыщувлас, юв яныгмам павлэн ос вёрн аква воратас. Тав тох потыртас:

– Ам вёрт яныгмасум, таимэгсыл яныг үст блуңкве ат вёритасум, Октябрьский районн омам палт минасум. Эщанум, апшияnum иң маныт, тавён нётсум. 19 талум төвлыс, район ПОХ колт вёраян хөтпаг

патхатасум. Төнт тал вёрт яласасум. 1979 тал ПОХ лэква-патыс, ам Шеркалы павылн вантласум. Павылт блуңкве ёс хоса ат вёрмысум, вёрн аква воратасум.

Ты маныщи нэ ёт хөнтхатыгламум порат Людмила Терентьева щёмьятэ хуриянэ арум суссылтас. Акв хурит тав манылат агииг пёслувет. Нэ ты хури урыл таи потыртас:

– 19 талум төвлум порат ты хуритн пёслуветсум, вёраяңкве ущты патсум. Вас пәтлуптаңкве ялсум, катыт патамтым вәсум пувилум. Китыт хурит тәлы порат вёркол пөхат пёслуветсум. Төнт охсар катын-паттысум. Катыт маны кютюврищум пувилум.

Людмила Терентьевна – ёр, пилтал нэ. Вёрн таккёт яласас, кутьванэ ёт-тотыгласанэ.

– Акв порат вёрколн ёмёгум, кон турман, щар

нэматыр ат наңки. Фонарик кос ёныщёгум ос хотсаквалас, ат тэг. Этпос ёс ат наңки, ат посты. Ёсал ёмёгум, ёмёгум.

Сунсыглахтэгум, тытам лэс лэңын магсыл унттысум. Элаль ёмёгум, тувыл лэңхум вёрколн ат хөнтылум. Кутьвум элаль хотталь хайтыс, такос вёвилум, ат хулытэ. Писалил патамтасум, тара ёхтыгпас, наме Пуля блыс.

Ёхтыгпас, ам нупылум сусны, ат торгамтытэ, манрыг пәтлуптэгум. Ам таве пувыслум, лавилум: «Арум юв ванттэлн, хоттыпсум». Тав лэңх нупыл та хайталтас, тох вёрколн ёхтысум.

Акв кутьвум Ветка наме блыс. Ам таве ёс сака эруптаслум, номтың блыс. Янгүйт нявлалаңкве ос катын-паттуңкве акваг нётыс. Нёхсыт нупыл акваг хортыс.

Акв порат кютюв тал минасум, вёртолнут кәсаласлум. Тав ётэ вёрт



Л.Т. Гусева, 1970 тал



Оматэ М.П. Лыскова

акван-хонтхатуңке шар ат кос эри. Тувыл тох ёмтыс, хоталь вәрхатэгум, юил койвёсум. Таквсы пора олыс, тонт та мат лёнхвәрвес, вөрёл-сәгровес, нөх-сәйкатавес. Туйт аплак, ёса паттан тувханы, молях ёмуңке ат вөрмөгум.

Ам юи-пәлумт хоса ёмыс, нөх-люлюмталы, ам нуплум сунсы. Амкирот номсэгум, күтюв тал тав ётэ маныр вәрөгум. Элал та ёмөгум, вагтал патсум, ёрум ты холы. Номсэгум – ты ёхтавем.

Сәйкатавес, кантың. Таквсы порат, ушты ёлхуяс. Патамтасум, хот-

таль та хөйвес, авлатэ-тыл хосги, хосги, ювле та хультыс. Тыт ам ёсал яласан лёнхум мус ёхтысум, молях та хәйталтасум, вөрколум мус та ёхтыгпасум.

Тонт күтюв тал олсум, тох тай Ветка а́нумн акваг нётыс, аквьёт ворясмён. Ворт хәйтыгы, ювле ёхтыгпәлы, а́нум уральтытэ. Аквьёт щёпыр пәтлуптаңке минымён. Лэңын кәсалы, шар ат хорты, тәра хәйты. Щёпыр ке кәсалы, хортуңке та тұлхаты.

Номтың ос пилтал олыс, янгүит нупыл акваг хортыс, нывлаласанэ, аква порат саквнялыл

хөйвес, ам таве вөрныл кәтыл юв тотыслум, пусмалтаслум. Ты күтьвум сака эруптаслум.

Юн ос сәв рүпата ошсум, вәс маныгтаңке, сов тынтлаңке, маснута-нум юнтуңке ос эрыс.

Ам омагум-әтягум акваг ворясыг, мән мән-тагыл ворт яныгмасүв. Аква порат ома́н китыглавёсум, лэңын нёвиль хоталь тотыя́нум. Ам күтьвын пәйтсанум. Тонт ома́н суссылтавёсум, хуме лэңын сове нуоңке эри, тонт нёвле ёмасыг ёмты, исмитэ атыңыг паты.

Ома́н-әтя́мн сәв мүт-

ран хаништавесүв, ань амки нывраманум тох хаништыя́нум. Пыгум Сашам хул алышлым акваг яласы. Ань яныгпәлаг ёмтсум, няслуңке туп ялантәлэ́гум.

Людмила Терентьева кит пыгаге ос а́гитэ ос хот апыгрищанэ ос Шеркалы пәвылт олэ́гыт. Щар мән апыгрище Юлианна сат тәлэ төвлыс, таквсы порат о́выл классын тах мины. А́гириш хаништахуңке сака таңхи, ловиньтаңке ёмашакв хәсы. Людмила Терентьевна мән-щи ләтңыл эще ёт Ульяна Терентьевна ёт потырты. Эще колта́глэ ёт ос тав ляпатэ́т олы. Тав ләвыс:

– Ань ам пенсия́т олэ́гум, тувыл тәла тәл ос ат у́нлэ́гум, нывраману́мн апыгрищанум ёт нётэ́гум. Мән пыгум Василий а́тимыг ёмтыс, тав нывраманэ савалапыг хульсыт, Майя а́гим тәнаныл ань я́нмалтыя́нэ. Тән ань ам пәхумт яныгмөгыт, савалап ныврамыт колн ат кетавет.

Мән-щи нэ Шеркалы пәвылт мирколт күшаитн Людмила Валерьевна Мироненко ос тот рүпитан нэ хотпатн яныг пүмашипа ләтың ләвыс, тән э́рнэ нэпакыт ты щёмья́н акваг-атуңке нётсыт.

Шеркалы пәвылт ёмас, сымың ос кәркам ма́хум олэ́гыт. Тән мән-щи газета «Лүимә сәрипос» акваг ловиньтэ́гыт. Ам Л.Т. Гусева, М.В. Корабельникова, М.Г. Зверева, Г.И. Трибус, Э.М. Зольникова, В.И. Пашанина нэ́кветн газета щырыл паща ләтың ань кетэ́гум.

Наталья Ткачук
кётум потыр
мән-щи ләтңыл
Людмила ТЕТКИНА
хансытэ



Л.Т. Гусева Майя а́гитэ ёт



Ас я ватат послувёсыт

Л.Т. Гусева хурия́нэ

Тит мәнъщи мӓщтырагув урыл

Лүпта ӗтпост Сургут үст сӓв мӓщтыр хӗтпа акван-атыглавес, тот мирхал фестиваль ӕлыс. Россия сӓвсыр мӓнытныл мир тув ӕхталас. Тӓн халанылт мӓнъщи мӓхманув ӕс ӕлсыт. Кӓсыңе урыл мӓн потыр тах хансӗв. Ань Людмила Мелентьева ос Александр Сайнахов урыл ты потыр ловиньтӕлӕн.

**Юнсхатуңкв
хӓснӕ нӕкве**

Людмила Мелентьева «Пӕс Сургут» нампа музеиң мӓт лов арыгтем тӓл рӕпиты, вӓрнӕ рӕпататӕ тох лӓваве – художник-конструктор. Тӓн, тот рӕпитан хӗтпат, маныр рӕпата вӓрӕгыт, Людмила ты урыл тох потырталас:

– Тыт рӕпитанӕм сыс ам сӓвсыр ширыл мӓщтырлаңкв ханищтахтасум, сӓсныл сӓвсыр тӕтапсовыт, совтыт, сыс-пӓйтыт юнтӕгум, хансал пуссын шуртыяну. Сакныл хорамыт хартӕгум, пӕс ширыл маснут юнтӕгум, сагӕгум.

Ты фестивальт ам ос таи суссылтӕгум, нӕврамыт мӓгыс шулкиныт хумус сагвӕсыт. Пӕс порат нӕквет паля пуныл сӕтап вӓрсыт ос нӕвраманыл, ӕйканыл мӓгыс носкит ос шулкиныт сагсыт.

Паля пун сӕтап тӓн ат ӕлюптасаныл. Ты шулкиныт сурмыт ос сака пӕлятахтӕгыт, ты кастыл нӕврамаквет лӓгланыл рӕгыңыг ӕлсыт, ащирма порат щар ат пӕлиглавӕсыт.

Ам ляпамт Саран мӓныл ӕхтум нӕкве рӕпиты,



А. Сайнахов

тӓн Нӕр тапалт ӕлӕгыт. Тамле шулкиныт ӕс ӕщсыт. Тӓн ты пормасаныл ӕлюптасаныл, выгыр ос сӕмыл сӕтапыл сагӕгыт. Мӕн халмӕнт тав ӕтӕ потыртасмӕн, тӓн хансаң шулкин сагсыт. Хансаныл наманыл сӓвсырыт, пӕрна пӕс ӕщсыт, пӓквпалыңыт, туп наманыл мӕтсырыт.

Мӓщтырлан мир акванатхатыглан мӓн ялуңкв сака пӕмыщ, халуvt маттем та потыртӕв, та ханищтахтӕв. Мӓнти маныр хӓсӕв, таи тӓнанылн та суссылтӕв.

Ам ӕтум рӕпитан нӕквет Наталья Ачимова, Яна Сопочина, Ирина Кошелева пуссын юнсхатуңкв, щакщуңкв сака хӓсӕгыт. Наталья ос Яна Москва үсн яныг суссылтапың мӓн ялсӕг, тот мӕт мӓхум халт нӕхпатсӕг, сӓвсыр янытлан нӕпак юв-тотсӕг.

Мӓнти халуvt юртыңыщ ӕлӕв, рӕпитӕв, сӓвсыр ялпың хӕталыт, каснӕ вӓрмалит вӓрыглӕв. Тӕлы



Л. Мелентьева

ӕтпост яныгман кастыл пӕрлахтӕв, «Тылащ пори» нампа ялпың хӕтал вӓрыглӕв. «Үринӕква хӕтал» янытлылӕв.

Ты тӕи лүпта ӕтпост хӗтхуйпловит хӕталӕт мӓнхӓпыл каснӕ вӓрмалы минас. Сӓвсыр пӓвлың ос вӕрың мӓныл ханты мӓхум ӕхталасыт, вӓтахтем каснӕ хӗтпа ӕлыс. Тыт музейов ляпат Сайма

нампа ят кассыт.

Ты тӕлат пуссын мӓн, музейт рӕпитан хӗтпат, вӓрыглӕв. Тох ты рӕпитӕв.

Сӓнтыр – мӓщтыр ӕйка

Мӓнъщи хумиюв **Александр Дмитриевич Сайнахов** «Пӕс Сургут» нампа мӓт ӕс сӓв тӓл рӕпиты. Тав ань намың-суиң хӗтпаг тот ӕлы, мирн вӓве ос янытлаве. «Народный



Саран нӕ потырты



И. Кошелева, Я. Сопочина ос Л. Мелентьева



А. Сайнахов

мастер России» яныг нам бньщи, ты намыл тав 2008 талт майвес.

Сантыра Сүкырья павылныл блы, колтагланылт тав хотыт няврамыг яныгмас. Саранпавыл школат ханищтахтас, онтолов класс асламе юипалт павылт мощ рупитас.

Тувыл Людмила увцитэн Сургут усн ханищтахтуңкв вбвес, тот тав столярыг ханищтахтас. Та пасныл ты яныг уст та блы. 2000 талт тав «Пёс Сургут» намба музеиң мат Марина Викторовна Самсонова ёт вайхатас, маньщи нэкве таве рупитаңкв тув вбвыстэ.

Ань ват нупыл нила тал тот рупиты. Маныр мащтырлы, ты урыл маньщи хум тох потыртас:

– Ам йивныл, салы анытныл савсыр пормас вәрөгум. Хум хотпа энтап мащтырлэгум. Йивныл ёргащлахтэгум, маньхәпыт, тұпыт, ёрнколыт мәниг вәриянум. Мәхум

ёхталэгыт, та пұмщалахтэгыт.

– Йив хот выгын? Наңти вөрн ялантэгын?

– Амти ялантэгум. Ёвлэт лесничестват разрешение-нэпак выглум, тән а́нумн ворт ма хултэгыт, хот йив сагруңкв манос ёл-сартуңкв рөви. Тән ёмас вөрың ма ат мыгыт, тот йив сагруңкв ат рөви. Хот вөре мощ люльнум, тув та ялантэгум.

Йив эрнэ щирыл сартылум, тослылум, тувыл матыр та вәрөгум. Пуссын амти катыл ёргиянум, станокыл рупитаңкв ат рөви. Савсыр фестивальн, сусылтапытн тетыглавёв. Тот вәрнунанув ёмашакв сунсыглавет, ма́к ёмашакв пормас вәрум хотпат тән янытлавет.

Мән тыт, «Пёс Сургут» колт рупитан хотпат, маньыр вәрёв, пормасанув тара хот-вивет. Тыт «сувенирный» намба ма́нь ла́пка блы, тот тыналавет. Ам сав саңквылтап вәр-

сум, маньыр вөрмөгум, таи та мащтырлэгум.

– Пёс йис порат бньщим пормасыт ёс вәрөгын?

– Вәим, атхунь вәрөгум. Ам аким салыңколт яласас, ты Клавдия Васильевна Афанасьева эңкум тав аще. Тавёныл сав пормас хультсас. Ос ма́н то́нт сака хунь пұмщалахтасу́в, ул пуссын хот-вущқасавёсыт. Ань тай сака эрнувит, ос хот хонтыяның.

Тән коланылт колалат ам юнтуп бщнэ пёс хусап хонтыслум, тав салы лувныл вәрыглавес. Тиврёт салы совн юнтуп тұщтыглавес, таныт тув пёрыгтавёсыт. Ты сов-лөмт тувыл лув тиврын хасумтаве. Коныпәлэт ос туля сов-лөмтын нэгсалым блы. Ты пормас энтапын нэгсаләлвес. Хум хотпан матыр юнтумтаңкв те эри, матыр эрнут пуссын ляпат бщсанэ.

Тамле ты ма́хманув му́траңыг олсыт. Ам пёс

наканув, пёс вәрмаянум хот-ёрувлахтэгыт, тәна-ныл элаль тотуңкв эри. Яныгман няврамыт ты тәлат пуссын вос вага-ныл – ты ма́к ма́н ма́ньщи мирув блупса.

Тох ты Александр Дмитриевич потыртас, ма́н таве ма́ньщи щирыл ләвилу́в – Мить Саша. Ты ёмас сымың хотпа яныг уст кос блы, ос такви туп Сүкырьятэ урыл потырты. Тот тав ма́-лөмт ёвтыс, йильпи кол унттыс. Ты тал тот тирпаш күр тах пөщги, блуңкв рөви.

Ос пенсиян миннэ́тэ мус тавён иң онтолов тал рупитаңкв эри, ты ма́гыс номтэ люль, ләви, тасавит тал рупитаңкв иң та эри.

Ты ма́ньщи хотпагувн сав ёмас ләтың ләвёв, сав тал пустагыл вос блэ́г, ма́ньщи пёс вәрмалит щирыл элаль вос ма́щтырлэ́г. Най-Отыранэ́н вос ургалавёг.

Валентина ХОЗУМОВА

Лүймә сәрипос
(Северная заря)
№ 15 (1321), 08.08.2024
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры


Редакция
ВРИО главного редактора –
Рагимова Н.В.
Телефон (3467) 33-24-02
Заместитель главного редактора –
Кондина Г.Р.
Телефон (3467) 33-22-72
Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399
Тираж 1710 экз.
Заказ 3193
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

12+



Яныгсәт тәлә төвлын кастыл



Т.А. Тебетев

Ас махум халт хури пöслам иң акв бйка блыс, наме Митрофан Алексеевич Тебетев. Ты этпос онтоловит хөталәт тав яныгсәт тәлә төвлынув. Ты кастыл Ханты-Мансийск үст «Төрүм Мәа» музейт сәв махум акван-атхатыглас. Тән ты хум хөтпа блупсәтә урыл потыртасыт.

Эрика Петровна Сургутскова та этпост Хальүсн ос Шеркалы пәвылн ялыс, тот музей колн шалтсас, хуриянә сунсыгласанә. Нә тох ләвыс: «Тав ләңханә хосыт ялмум мәгыс, ты хөтпа әнумн щар сымын хояс. Матьёмас ань элалы тав урыл потыртаңкв патэв, тав наме ос хуриянә мирн вос вәвет».

Блупсәтә урыл

Митрофан Алексеевич ханты щәмьят самын патыс, колтәгланылт тав бвыл нъяврамыг блыс. Пәвланыл тох ләввес – Лохтоткурт, Шеркалы пәвылт ляпат үнлыс. Тав щәне мөт пәвылныл блыс, хум вәрме юи-пәлт тав ты пәвылн тотвес.

Бвыл классыт тав такви пәвләт ханищтахтас. Нилыт классын тав Нижневартовск үсн тәтвес, та юи-пәлт Ларьяк ос Нахрачи пәвлыгт элалы ханищтахтас.

1940 тәлт сәтыт класс әстламе юи-пәлт, тав Ханты-Мансийск үст медучилищат ханищтахтуңкв бвылтахтас. Номсыс, 1942 тәлт хунь әстлытә, тав яныг хөнтын мины. Әщаныл тай тәра тув тотвес. Хөпсыяге әгмыңыг бльсйг, тыи мәгыс Хальүс районын рүпитаңкв тәтвес, тот Няхщамвөльт, Шайтанкат рүпитас.

Тот блме порат нәпакн матыр пöслуңкв әрталатуңкв ты патыс, бвыл хуриянә – «Озеро Турват», «Урал», Усть-Манья. Осень». Ты хуриянә тав 1944 тәлт пöслысанә, тән акв намыл пиным блэгыт – «Сосьвинские манси». Ань яныг үс музейт хөт бныщавет.

Та пәсныл тав хүрумсәттем сәвсыр хури пöслыс. Такви мире мәгыс сыме сака щәргыс, тох потыртәлыс – пөс блупса хотталы та сөйми, яныг Ас я хосыт блнә хантыт ләтңаныл бс та ерувлахты.

Тав яныгмамәт порат Лохтоткурт пәвылт сәв яныгпәла ханты хөтпат блсыт, Митрофан Алексеевич потыртәлыс – пөс порат пәвланылт Уй ййквес, сәңквлытаңкв хәснә

сәв хөтпа блыс. Хумус пөс махманыл блсыт, тав ты тәлат пуссын хурин пöслысанә.

60-ит тәлыт порат күщайт тох ләвсыт – мәнь пәвылквет ляпат үнлын яныг пәвылн тув-түлуңкве. Төнт ты пәвлыт пуссын Шеркалы пәвыл нупыл хасвөсыт, мир бс тув вәнтлуптавес, колхоз тот вәрвес.

Матах тәл миnam юи-пәлт Митрофан Алексеевич тув ялыс, төва колыт иң үнлысыт. Хум нәпак ет бныщис, та хультум колыт, мәтә хәснәйивыл нәпакн пöслыгтасанә. Ётыл хурииг емащакв вәрсанә. Ос та оссувлым колытт хөнтум пөс пормасыт акван-атсанә ос Шеркалы пәвылн тотсанә. Та юи-пәлт та пәвылт музей-кол пусвес.

Блмәт самын патум пәвлә урыл акваг потыртәлыс. Сәв хуриянәт мәнь пәвлың мәтә остот блум махманә пöслысанә ос акв нәпакыг вәрсанә. 2005 тәлт «Лохтоткурт» нампа нәпаке тәратавес, тот хурит пуссын акван-атым ты блэгыт.

Ань ты хөтпа 100 тәлә төвлын кастыл, наме мирн вос вәве, хуриянә аквагвос суссылтавет, күщайт емас тәла вәруңкв номсэгыт – хум блум коләт әхвтасың пәрт тагатаңкве, тот хансаве, хунь тав тот блыс.

Юи-бвыл блум тәланә порат сампылтәлыг емтыс, самаге щар ат нәңксыг. Ойка тох ләвыглас, хурит пöслын блюпыт кастыл тав самаге лүлиг емтсыг. Таве Петр пыге агитә бныщистә, бйка савалым 2011 тәлт хотталы шалтыс.

Тох ты намың-суин хөтпат блэгыт. Ос ты йист культура тәлат вәнә махум ләвөгыт, Тебетев пöслум хуриянә тәнти щирыл сака пүмщит, мирн суссылтаңкв эрөгыт.

Валентина ВАСИЛЬЕВА